

АБДУЛҲАЙ ТУРСУН

НИКОҲИНГИЗ
МУБОРАҚ
БЎЛСИН



Тошкент 2017

**УЎК 173
КБК: 87.7
Т 91**

Уибӯ китобчада оила қуриши давридан бошлиб, унинг давомли, баҳтли-саодатли бўлиши, уни сақлашга қаратилган энг муҳим масалалар баён этилган. Никоҳнинг муҳаддаслиги, никоҳ муносабати билан билдириладиган тилаклар, дуолар келтирилган. Оиласда эр ва хотиннинг ҳуқуқ ва мажбуриятлари қисқача баён қилинган.

Турсун, Абдулҳай

Никоҳингиз муборак бўлсин / А. Турсун; Масъул муҳарир: Шайх Абдулазиз Мансур. – Тошкент: «Мовароуннахр», 2017. – 40 б.

*Масъул муҳаррир:
Шайх Абдулазиз МАНСУР*

*Ўзбекистон Республикаси Вазирлар Маҳкамаси ҳузуридаги
Дин шилари бўйича қўмитанинг 2016 йил 29 сентябрдаги
4893-сонли холосаси асосида нашрга тайёрланди*

ISBN 978-9943-12-393-9

© Абдулҳай Турсун
© «Mavarounnahr», 2017

*Оила олдида турган вазифаларни
ҳар томонлама амалга ошириш –
авваламбор, моддий, маънавий, бу-
гун ўта долзарб бўлиб бораётган
тарбиявий муаммоларни ечиш,
оиланинг барча-барча ташвиши-
рини осонлаштириш каби муҳим
масалаларни ҳал этиши билан боғлиқ
эканини, ўйлайманки, ҳаммамиз
яхши тушунамиз.*

Ислом Каримов

Сўзбоши ўрнида

Оила – инсоният учун буюк неъмат. Эркак ва аёлнинг хоҳиш-иродаси билан оила таркиб топгани каби жамият, давлат ҳам мустаҳкам оилалар негизида вужудга келган. У – ҳаёт чароғбони, фаровон, гўзал ҳаётимиз гаровидир. Муқаддас динимиз Исломда оиласа алоҳида эътибор қаратилган ва унинг қадрқиммати, ахлоқ-одоби борасида тартиб ва қоидалар батафсил баён қилинган.

Ўзбек оиласининг шаклланиш тарихи ҳалқимизнинг кўхна тарихи билан уйқашdir. Шарқ оиласи, жумладан, ўзбек оиласининг шаклу шамойили, сийрати, маънавий ола-

мининг шаклланишида, айниқса, ислом ақидаларининг таъсири бекиёс. Азал-азалдан оила бошлиғи бўлган эркакка ҳурмат-иззат, оиладаги ўзига хос ўрни алоҳида эътиборга лойик бўлиб келган. Аёл умр йўлдошига муносабатда шарм-ҳаё, андиша, меҳр-шашкат, иффат ва бошқа фазилатлари билан фарзандларини камол топтирган. Бу билан меҳрибон она фазилатлари алоҳида эътиборга молик бўлган. Бундай хислатли аёллар бека бўлган оиласарда тотувлик, ҳамжиҳатлик қарор топиб, фарзандлари эл-юрт таҳсина нига лойик инсонлар бўлиб вояга етишган.

Ушбу китобчада оила қуриш давридан бошлаб, унинг давомли, баҳтли-саодатли бўлиши, бу муқаддас гўшани сақлашга қаратилган баъзи бир маълумотлар тақдим этилди. Шояд ҳар бир оила баракотли бўлиб, жамиятда ўз ўрни билан барчага манзур бўлса.

Унда никоҳнинг муқаддаслиги, никоҳ орқали қурилган оиланинг муборак кошона эканлигини билдириб ўтдик.

Икки ёшнинг тўйларига ҳозир бўлганлар уларга яхши тилак, баҳт-саодат сўраб дуо қилишлари, никоҳланувчиларнинг ўзлари ҳам Яратгандан ўзларининг иқболларини сўраб илтижо қилишлари лозимлиги эслатиб ўтил-

ди. Шунингдек, оиласда эркак ва аёлнинг зиммаларидағи бажарилиши лозим бўлган шахсий вазифалар ёритиб берилди. Оиласвий низоларга олиб борувчи сабаблар ва уларнинг олдини олиш йўллари ҳам таъкидлаб ўтилди.

Ота-оналар ўз фарзандларининг никоҳига эътибор беришлари, бунга масъулият билан қарашларига умид қилиб баъзи мулоҳазаларни тақдим этдик.

Никоҳнинг муқаддаслиги

“Муқаддас” сўзини ишлатишга ҳар куни дуч келамиз. Дейлик, Каъба муқаддас, Ватан муқаддас, саждагоҳ муқаддас, илоҳий китоблар муқаддас... Дарҳақиқат, никоҳ ҳам муқаддас! Чунки уни Аллоҳ улуғлади ва Пайғамбар (соллаллоҳу алайҳи ва саллам) эъзозладилар. Шундан келиб чиқадики, никоҳ ҳам зикр қилинган муқаддас неъматлардан экан.

Ислом динида оиласа катта эътибор берилиб, уни қандай ташкил этиш, бошлиғи ким бўлиши, аъзоларининг ҳуқуқлари, фарзандлар тарбияси, умуман, оиласий ҳаётнинг барча масалалари атрофлича ўрганиб чиқилган.

Куръони каримда оила ҳақида эллиқдан ортиқ оятлар мавжуд. Расулуллоҳ (соллаллоҳу алайҳи ва саллам)нинг ҳадиси шарифлари асосида битилган китобларда ҳам никоҳ тўғрисида алоҳида бўлимлар ўрин олган. Айни шу бўлимлар мақсадини кўз ўнгимизга келтирсак, мулоҳаза қилсак, никоҳнинг муқаддаслигини эътироф этамиз. Унинг эъзозига эришиб, оиласизнинг мустаҳкамлигига эга бўламиз, деган умидда қуйидаги ўйтларни келтирдик.

Никоҳни поймол қилишидан сақланинг

Расулуллоҳ (соллаллоҳу алайҳи ва саллам) айтдилар: “Ҳалол нарсалар ичида Аллоҳ энг ёмон кўргани талоқдир” (*Абу Довуд ривояти*).

Никоҳ пайғамбарларнинг суннатидир

Абу Айюб (розияллоҳу анхӯ)дан ривоят қилинади: Расулуллоҳ (соллаллоҳу алайҳи ва саллам): “Тўрт нарса пайғамбарларнинг суннатларидандир: ҳаё, хушбўй нарса сепмоқлик, мисвок ва оила қуриш”, яна бир ҳадиси шарифда эса: “Уйланиш менинг суннатимдир, кимки суннатимдан юз ўгирса, у мендан эмас”, деганлар (*Имом Аҳмад ва Имом Термизий ривояти*).

Абдуллоҳ ибн Аббос (розияллоҳу анхӯ)-дан ривоят қилинган ҳадиси шарифда Расулуллоҳ (соллаллоҳу алайҳи ва саллам): “Ким менинг табиатимни яхши кўрса, суннатимга эргашсин, албатта, никоҳ менинг суннатимдандир”, деганлар (*Имом Байҳақий ривояти*).

Насл давомийлиги воситаси

Куръони каримда Аллоҳ таоло никоҳ насл давомийлигининг муқаддас воситаси эканлигини баён қилиб бундай дейди: “**Аллоҳ таоло сизларга жуфтларингиздан фарзандлар ва набиралар яратди**” (*Наҳл*, 72).

Никоҳ Аллоҳ таоло наздида ибодатдир

Абу Зарр (розияллоҳу анху)дан ривоят қилинади: Расулуллоҳ (соллаллоҳу алайҳи ва саллам) никоҳ Аллоҳ таоло наздида ибодат эканлигини таъкидлаб: “Ҳар бирингизнинг тана аъзоларида садақа бордир”. Шунда сахобалар: “Эй Расулуллоҳ! Бирортамиз шахватини қондирса, бу нарсада унга ажр борми?” деб сўрашди. Айтдиларки: “Агар ҳаром йўл билан қондирганида гуноҳ бўлармиди? Демак, ҳалол йўл билан қондирса, ажр бўлади”, дедилар (*Имом Муслим, Имом Абу Довуд ва Имом Аҳмад ривояти*).

Дунё лаззатларининг яхшиси

Абдуллоҳ ибн Амр (розияллоҳу анху)дан ривоят қилинган ҳадиси шарифда Расулуллоҳ (соллаллоҳу алайҳи ва саллам): “Дунё-

нинг барчаси вақтинча роҳату лаззатдир. Дунё лаззатларининг яхшиси солиҳа аёлдир”, дедилар (*Имом Муслим ривояти*).

Ризқни зиёда қилувчи омил

Куръони каримда Аллоҳ таоло никоҳ сабабидан инсоннинг ризқи зиёда бўлишини баён қилиб бундай дейди: “**Сизларнинг орангиздаги тул (эркак ва аёл)ларни ҳамда қул ва чўриларингиздан яроқлиларини уйлантирингиз. Агар (улар) камбағал бўлсалар, Аллоҳ уларни ўз фазли билан бойитур. Аллоҳ (фазлу қарами) кенг ва доно Зотдир**” (*Нур*, 32).

Киши динининг ярми...

Анас ибн Молик (розияллоҳу анху)дан ривоят қилинган ҳадиси шарифда Расулуллоҳ (соллаллоҳу алайҳи ва саллам) никоҳ киши динининг ярми эканлигини таърифлаб: “Қачон банда уйланса, динининг ярми ни камол топтирибди, бас, қолган ярмида Аллоҳга тақво қилсин (яъни қўрқсин)”, деганлар (*Имом Аҳмад, Байҳақий, Табароний ривояти*).

Яхшилик қилувчи инсон деган ном...

Ойша (розияллоҳу анҳо)дан ривоят қилинади: Расулуллоҳ (соллаллоҳу алайҳи ва саллам) никоҳ яхшилик қилувчи инсон деган номга эга қилишини таъкидлаб: “Сизларнинг яхшиларингиз ўз аҳли аёлига яхшилик қилувчиларингиздир. Мен ҳам ўз аҳлимга сизлардан кўра яхши муомала қилувчиман”, деб марҳамат қилганлар (*Имом Термизий ва Ибн Ҳиббон ривояти*).

Хазина келтирувчи манба

Ибн Аббос (розияллоҳу анҳу)дан ривоят қилинган ҳадиси шарифда Расулуллоҳ (соллаллоҳу алайҳи ва саллам) никоҳ эркак кишига хазина келтирувчи манбаларга эга қилишини марҳамат қилиб: “Сизга киши тўплаши мумкин бўлган (хазина) ҳақида хабар берайми? (У) солиҳа аёлдир. Унга қараса, уни хурсанд қиласди; унга амр қилса, итоат этади; ундан ғоиб бўлса, уни муҳофаза қиласди”, деганлар (*Имом Абу Довуд, Ҳоким ва Байҳақий ривояти*).

*Аллоҳдан қўрқишининг
фойдаларидан бири...*

Абу Умома (розияллоҳу анҳу)дан ривоят қилинади: Расулуллоҳ (соллаллоҳу алайҳи ва саллам) марҳамат қилиб: “Аллоҳ таолодан қўрқишидаги сўнгги фойда – солиҳа завжадан келадиган яхшиликдир. Унга буюрса, итоат этади, қараса хурсанд қиласди, устидан қасам ичса, уни содик қолдиради ва ундан бирор жойга кетса, унга ўзида ва молида яхшилик қиласди”, деганлар (*Ибн Можа ривояти*).

Шаҳвоний тажсовуздан ҳимоячи

Жобир ибн Абдуллоҳ (розияллоҳу анҳу)-дан ривоят қилинган ҳадиси шарифда Расулуллоҳ (соллаллоҳу алайҳи ва саллам) никоҳ инсонни шаҳвоний тажсовуздан сақлашини баён қилиб: “Хотинларнинг ҳақига тажовуз қилишдан сақланинг, улар сизга ҳар хусусда ёрдамчидир. Уларни Аллоҳнинг амри билан ўзингизга ҳалол қилиб олинг”, деб марҳамат қилганлар (*Имом Муслим ривояти*).

Муборакбод сабабчиси

Уқайл ибн Абу Толибдан ривоят қилинган ҳадиси шарифда Расулуллоҳ (соллаллоҳу алайхی ва саллам) никоҳ инсонларнинг бир-бирларини муборакбод этишга муваффақ этишини баён қилиб: “Қайси бирингиз оила қурса, унинг ҳақига никоҳинг муборак бўлсин, никоҳинг муборак бўлсин, деб табрик этинглар”, дедилар (*Табароний ривояти*).

Оила – муборак кошона

Никоҳ қурилгандан сўнг жамият пойдевори бўлган оиласа асос солинади. Унинг баҳтли-саодатли, мустаҳкам бўлиши эса икки томоннинг ҳаракатига боғлиқ бўлади. Шу маънода оила ва жамият тинч-тотув, фаровон бўлиши учун зарурий бир неча шарт-шароитларни ижро этиш лозим. Уларнинг барчаси оиланинг салоҳияти ва барқарорлигини таъминлашга хизмат қиласиди. Шу сабабдан динимиз оиласа, уни барпо этиш омилларига катта эътибор қаратади. Бу “бино”ни меҳр-муҳаббат асосида ҳақиқат ва адолат заминига қуриб, мустаҳкамлаб, унинг баҳтиёрлигига эришишга чорлайди.

Таъкидлаш жоизки, дунёдаги барча жонзотлар жуфт-жуфт яратилган. Жумладан, инсон ҳам жуфт яратилди ва ўзининг ақл-идроқи билан оиласини қадрлаб, унинг барқарор бўлишини таъминлаш зарур бўлгани учун бу гўшанинг ҳимоясига сафарбар этилди.

Оилавий муносабатларнинг асосий талабларидан бири оила қурган ҳар бир инсон жуфти билан иноқлик ва меҳрибонликда умр кечиришидир. Чунки оила аъзолари саодати

деганда ҳашаматли бино ёки қимматбаҳо уй жиҳозлари тушунилмайди. Балки чин саодат уларнинг соф имони, эзгу ишлари, ўзаро меҳр-муҳаббати, тинчлик-хотиржамлигига сабаб бўлган баракотлардир. Барча нарсанинг зийнати бўлгани каби оиланинг ҳам зийнатлари мавжуд. Куръони каримда Аллоҳ таоло саодатли оиланинг зийнатлари тўғрисида хабар бериб: “**Одамларга аёллар, фарзандлар, уюм-уюм олтин-кумушлар, саман отлар, чорва моллари ва экинларга нисбатан меҳр қўйиш зийнатли қилиб қўйилди...**”, дейди (*Оли Имрон, 14*). Айтиш жоизки, уйдаги аёллар, фарзандлар, молмулклар, от-увовлар, чорва ҳамда экинлар саодатли оила соҳиби учун баҳтдир. Бу билан шу жиҳатлари мукаммал бўлган барча оилалар ўзларини саодат узра эканларини эътироф этиб, уларни асрраб-авайлашда бошқаларга ибрат бўлиши даркорлиги келиб чиқмоқда. Бу муқаддас қоида ва асосларга риоя этиб, эр хотин ўз мавқе-манзилида умр кечиришлари таъкидланмоқда. Чунки шу йўл билан ҳаёт неъматини татиб, умр мазмунини тушуниб, жамиятда кутилган саодатли, мустаҳкам оиласи барпо этишга эришилади. Муборак ўйтларда Саъд ибн Абу Ваққос (розияллоҳу

анҳу) ривоят қилган ҳадиси шарифда Набий (соллаллоҳу алайхи ва саллам) саодатни търифлаб: “Тўрт нарса саодатдандир: солиҳа аёл, кенг маскан, муносиб қўшни, қулай маркаб... Кимга шу неъматлар берилган бўлса, шукрини адо қилиши керак”, дейдилар (*Ибн Ҳиббон ривояти*).

Ислом динида оиласа катта эътибор берилиб, уни қандай ташкил этиш, унинг бошлиғи ким бўлиши, аъзоларининг ҳуқуқ ва бурчлари, фарзандлар тарбияси, умуман, оиласий ҳаётнинг барча масалалари атрофлича ўрганиб чиқилган ва керакли кўрсатмалар берилган. Бу ҳақдаги фикр-мулоҳазаларни диний ва дунёвий манбаларга суюниб, эътиборингизга ҳавола этамиз:

- оила кичик бир жамият. Мавжуд жамиятнинг дахлсизлиги оиласининг жипслигига боғлиқ;
- оила – турмуш мактаби, урф-одатларни, ҳаёт тарzinи, ирода ва тафаккурни ўзида синовдан ўтказади;
- оила ахлоқ маданиятини ўз бағрида асрар-авайлаб келажак авлодларга етказади;
- оила жамият бўлиб яшашда баҳтли турмуш тарzinи, ақл-заковат, маънавий ахлоқ ва фазилатлар масъулиятини бурч сифатида шакллантиради;

- оила ўз олдига қўйган режаларини амалга оширишда моддий мукаммалликка, маънавий камолотга, тарбиявий салоҳиятга суянади;
- оила ўзининг ёзилмаган низом ва қоидасига эга бўлмаса, унинг салбий жиҳатлари бутун бир миллатга таъсир этади;
- оила инсоният тарихининг барча даврларида жамиятнинг асосий бўғини бўлган муборак даргоҳ;
- оила – жамиятда покиза насл давомийлигини сақловчи муқаддас даргоҳ;
- оила инсон ҳаётини турли тартибсизлик ва келишмовчиликлардан, бемаъни ахлоқлардан, салбий иллатлардан ва уларнинг ёмон оқибатларидан асрагувчи қалъадир;
- оила инсоннинг шаҳвоний майлини жиловлади, унинг учун тизимли хотиржамлик ва саодатни таъмин этади;
- оила азиз неъмат бўлмиш фарзандларни тарбиялаб, улар онгига умуминсоний қадриятларни сингдириш учун бошланғич йўналиш беради;
- оила фарзандларни жамият ривожи учун ишлашга йўналтиради. Бу билан мамлакат иқтисодиёти, маданияти ва маърифати ривожига катта таъсир кўрсатади.

Яхши тилак – баҳт-саодат гарови

Дуо (араб. – илтижо, чақириш, сўраш) – Аллоҳ таолодан ўзи ёки бошқалар учун тилак тилаш, илтижо қилиш демакдир.

Шунга кўра никоҳ ва тўйга таклиф этилган ҳар бир киши никоҳ тўйида ҳозир бўлиб, унинг сабабчиси бўлган келин-куёвларнинг қураётган оиласлари ҳақига баҳт-саодат тилаб дуо қилиши Расулуллоҳ (соллаллоҳу алайҳи ва саллам)нинг суннатларидан. Айнан шу суннат барча мусулмон халқлар маданиятининг ажралмас қисмига айланган.

Доно халқимиз “Олтин олма дуо, дуо олтин эмасми?” деб унинг фазилатига юксак баҳо берган. Ота-она, нуронийлар ҳамда дўст-қадрдонларнинг табрик ва дуосига мушарраф бўлиш сабабли кишининг баҳт-саодати ҳамда умр ва ризқига баракот ёғилиши далил талаб қилмайдиган ҳақиқатдир. Диний ва миллий, ахлоқий таълим-тарбия талаблари яхшилик қилиш, унинг натижасида олқиш ва дуоларга эришиш ҳар бир киши учун лозимлигини таъкидлайди.

Демак, никоҳда ҳозир бўлиб, зиёфатга таклиф этилганлар келин-куёв учун Аллоҳ таолодан хайру барака ва баҳтли ҳаёт кечи-

ришларини сўраб дуо қилишлари, уларни тўй билан табриклашлари жоиз. Айни шу суннатни ифода қилган ҳадиси шарифларни келтириб ўтамиз. Шу маъно ва мазмундаги Расулуллоҳ (соллаллоҳу алайҳи ва саллам)нинг таълим-тарбиялари ҳақида айтиб ўтмоқчимиз. Шояд, ёшлар қураётган ҳар бир никоҳ абадий бўлса, баҳт-саодатга эриштирса.

Ҳасан (розияллоҳу анҳу)дан ривоят қи-линган ҳадиси шарифда айтилишича, Ақийл ибн Абу Толиб жусамлик бир аёлга уйланди. Унга “Муроса ва болалар ила”, дейилди. Шунда у: «Расулуллоҳ (соллаллоҳу алайҳи ва саллам) айтганларидек, “Аллоҳ сизларга муборак қилсин ва барака берсинг” денглар», дейди (*Имом Насоий ривояти*).

Ойша (розияллоҳу анҳо) ривоят қиласидилар: “Набий (соллаллоҳу алайҳи ва саллам) менга уйланганларида онам келиб, мени ҳовлига олиб кирдилар. Қарасам, ансорий аёллар уйнинг ичида эканлар. Улар хайр ва баракали бўлсин. Энг баҳтли ва насибали бўлсин”, дедилар (*Имом Бухорий ва Абу Довуд ривояти*).

Ойша (розияллоҳу анҳо)дан ривоят қи-линган ҳадиси шарифда у киши айтадилар: “Онам Умму Руммон (розияллоҳу анҳо) мени Расулуллоҳ (соллаллоҳу алайҳи ва саллам)-

нинг олдиларига олиб кириб, ўтқазганлар ва: “Мана бу – аҳлингиз, ё Расулуллоҳ, Аллоҳ сизга буларни муборак қилсин”, деб муборак-бод этганлар.

Иbn Умар (розияллоҳу анху)дан ривоят қилинган ҳадиси шарифда Расулуллоҳ (соллаллоҳу алайҳи ва саллам): “Агар сизларни никоҳ тўйига таклиф этишса, боринг”, дедилар (*Имом Муслим, Ибн Можа ривояти*).

Язид ибн Ҳамир (розияллоҳу анху)дан ривоят қилинган ҳадиси шарифда у киши айтадилар: “Абдуллоҳ ибн Басар (розияллоҳу анху)дан эшитдим. Расулуллоҳ (соллаллоҳу алайҳи ва саллам): “Аллоҳим, уларга ризқ қилиб берган нарсангга барака бергин, уларни гуноҳларини кечиргин ва раҳм қилгин”, дедилар (*Имом Муслим, Абу Довуд, Термизий ривояти*).

Абу Ҳурайра (розияллоҳу анху)дан ривоят қилинган ҳадиси шарифда айтилишича, Расулуллоҳ (соллаллоҳу алайҳи ва саллам)-нинг одатлари, бирор киши уйланса: “Аллоҳ таоло сенга муборакли қилсин, сенга барака берсин, сизларнинг ўрталарингизни яхшиликда жамласин”, дер эдилар (*Имом Термизий ривояти*).

Абу Ҳурайра (розияллоҳу анхұ)дан ривоят қилинади: «Расулуллоҳ (соллаллоҳу алайхі ва саллам) бир кишининг никоҳига гувоҳ бўлдилар ва унга “Аллоҳ таоло сизларга ризқда, меҳр-муҳаббатда, кенгчиликда, яхшиликда барака берсин”, дедилар» (*Имом Табароний ривояти*).

Али ибн Абу Толиб (розияллоҳу анхұ) Фотима онамизга уйланганларида Набий (соллаллоҳу алайхі ва саллам): “Аллоҳ таоло сизларни фазилатли қилсин, буюк қилсин, сизларга барака берсин, пок наслларни берсин”, дедилар (*Имом Табарий ривояти*).

Анас (розияллоҳу анхұ)дан ривоят қилинган ҳадиси шарифда айтилишича, Абу Талҳа (розияллоҳу анхұ) Расулуллоҳ (соллаллоҳу алайхі ва саллам)нинг ҳузури шарифларига келганларида Расулуллоҳ (соллаллоҳу алайхі ва саллам): “Аллоҳ таоло сизлар ўтказган кечаларингизни баракотли қилсин”, деб дуо қилган эканлар. Абу Талҳанинг аёли ўша тунда ҳомиладор бўлиб, бош фарзанди ўғил бўлиб, шундан сўнг ўн нафар фарзанд дунёга келган экан. Расулуллоҳ (соллаллоҳу алайхі ва саллам)нинг дуолари шарофатидан уларнинг барчаси Куръони каримни ёд олишга мұяссар бўлиб, замонасининг сардорларига айланган экан.

Никоҳланувчиларнинг илтижо дуолари

﴿ هُنَالِكَ دَعَازَكَرِيَّا رَبَّهِ وَقَالَ رَبِّ هَبْ لِي مِنْ لَدُنِكَ ﴾

﴿ دُرِيَّةَ طِبَّبَةَ إِنَّكَ سَمِيعُ الْدُّعَاءِ ﴾ ٣٨

“....Раббим, менга ўз хузурингдан пок зурриёт ато эт! Дарҳақиқат, Сен дуони эшитувчиидирсан” (Оли Имрон, 38).

﴿ رَبِّ أَجْعَلِنِي مُقِيمَ الصَّلَاةِ وَمِنْ ذُرِّيَّتِي رَبَّنَا ﴾

﴿ وَتَقَبَّلْ دُعَاءَ ﴾ ٤٠

“Эй Раббим! Мени ва зурриётимдан (кўп фарзандларимни) намозни баркамол адо этувчи қилгин! Эй Раббимиз! Дуоимни қабул эт!” (Иброҳим, 40).

﴿ وَالَّذِينَ يَقُولُونَ رَبَّنَا هُبْ لَنَا مِنْ أَزْوَاجِنَا وَذُرِّيَّتِنَا ﴾

﴿ قُرَّةَ أَعْيُنِ وَأَجْعَلْنَا لِمُتَّقِينَ إِمَامًا ﴾ ٧٤

“...Парвардигоро, хотинларимиздан ва зурриётларимиздан бизларга кўз қувончини бахш эт ва бизларни тақводорларга пешво қилгин!” (Фурқон, 74).

اللَّهُمَّ إِنِّي أَسْأَلُكَ خَيْرَهَا وَخَيْرَ مَا جَبَلْتَهَا عَلَيْهِ وَأَعُوذُ بِكَ مِنْ
شَرِّهَا وَمِنْ شَرِّ مَا جَبَلْتَهَا عَلَيْهِ

“Аллоҳим! Сендан унинг яхшилигини ва Сен унга берган ахлоқнинг яхисини сўрайман. Ҳамда Сендан унинг шарридан ва Сен унга берган ахлоқнинг ёмонидан паноҳ сўрайман” (*Имом Абу Довуд ва Имом Насоий ривояти*).

بِسْمِ اللَّهِ اللَّهُمَّ جَنِّبْنَا الشَّيْطَانَ وَ جَنِّبْ الشَّيْطَانَ مَا رَزَقْنَا

“Аллоҳнинг номи билан: Аллоҳим, биздан шайтонни четда қилгин, шайтонни бизни ризқлантирган нарсангдан четда қилгин” (*Имом Бухорий, Имом Муслим ривояти*).

Эр бажариши лозим бўлган шахсий вазифалар

Муқаддас динимиз Исломда аёл мўътабар зот сифатида эъзозланади. Уларнинг ҳақ-хуқуқларини тиклаш, ҳурматини жойига қўйиш билан жамиятдаги мавқеини юксалтиради. Эркакларни аёл кишига ҳурмат-эътиборда бўлишга тарғиб этади. Зеро, аёл – Яратганинг буюк неъматидир, десак муболага эмас. Оиласиз жамият, давлат бўлмагани каби, аёлсиз оилани ҳам тасаввур этиш қийин. Аёл – оила чароғбони, фарзандларимиз ҳомииси, фаровон, гўзал ҳаётимиз гарови, хона-донимиз файзидир. Шу маънода келтирилган тарғиблардан бири Абу Хурайра (розияллоҳу анҳу)дан ривоят қилинган ҳадиси шарифда Муҳаммад (соллаллоҳу алайҳи ва саллам): “Сизларнинг яхшиларингиз аҳли аёлига яхши муомалада бўлганларингиз. Мен ҳаммангииздан кўра аҳли аёлига яхшироқ муомала қилувчингизман”, дедилар (*И мом Термизий ривояти*).

Айни шундай муомала маданиятига қаратилган ҳикматли сўзларни диний ва миллий адабиётлардан жамлаб, қуйидаги мулоҳазани фикрингизга ҳавола қилмоқдамиз. Уларга

эътибор қаратиб, оиласаримиз янада иқболли, бахтли-саодатли бўлса ажаб эмас!

- аёлга ғамхўрлик қилиш;
- аёли билан тотув, иноқ яшаш;
- аёл билан мўттадил муомалада бўлиш;
- аёлнинг одоб-ахлоқига масъул бўлиш;
- аёлининг жинсий эҳтиёжини қондириш;
- фарзанд тарбиясида аёлига ёрдам бериш;
- аёлинни турли ёмонликлардан асраб-авайлаш;
- озиқ-овқат ва кийим-кечак билан таъминлаш;
- аёлинни ҳеч вақт эътиборсиз қолдирмаслик;
- оила жамғармасини исрофсиз амалга ошириш;
- аёлининг шаъни ва обрўсини омонат билиш;
- тураг жой ва рўзгор асбобларини етарли қилиб бериш;
- никоҳ қилинган аёлга никоҳда белгиланган маҳрини адo этиш;
- фарзандларининг молиявий ва маънавий ҳолатини зиммасига олиш;
- эркак киши аёлига доимо гўзал ҳолатда кўринишга ҳаракат қилиши;
- аёлнинг сирларини ошкор қилмаслик, унинг ишончини йўқотмаслик;

- эр аҳли аёлининг ҳузурига кўчадан салом бериб кириши ҳамда уларнинг аҳволини ва кайфиятини сўраши;
- эр хотинини сўз билан, феъли билан айблаб, ҳақоратлаб, ёмонлаб пастга урмаслиги, унинг яқинларини камситмаслик;
- аёлини қайғули, хафа ҳолда кўрса, унга раҳм-шафқат кўрсатиш, ҳол сўраш, яхши сўзлар билан тасалли бериш;
- агар аёли исён ёки ахлоқсизлик қилса, эр уни тўғри йўлга солиш учун панд-насиҳатларни босқичма-босқич олиб бориб, тушунтириб, огоҳлантириб, яхшиликка тарғиб қилиши;
- эр аёлининг ёмон камчиликлари бўлса, тарбиялаш чораларини ахтариши, хотини яхши хулқли, орастга бўлиб, хизматларини комил адo этса, унинг ҳақига ташаккур билдириб, дуолар қилиши, Яратганга ҳамдлар айтиши.

Аёл бажариши лозим бўлган шахсий вазифалар

Оилада аёл киши ўз умр йўлдошига ҳамфикр, ҳаммаслак бўлса, албатта, ўша оила муқаддас оила хисобланади. Айни пайтда фарзандлар ҳам оналарининг оталарига нисбатан муносабатига, кўрсатаётган муомала маданиятига қараб шаклланиб бориши ҳеч кимга сир эмас. Оқибатда оила меҳршафқат, одоб-ахлоқ, меҳнатсеварлик, ўзаро ҳамдўстлик, муҳаббат каби гўзал ахлоққа асосланади. Бунинг натижасида оила мустаҳкамланади, қут-баракали, файзли бўлади. Шу маънода оиланинг меҳр-мурувватлигига эга бўлган буюк зот – меҳрибон умр йўлдош ва мукаррама она томонидан қуийдаги фикр-мулоҳазаларга эътибор қаратиш мақсадга мувофиқдир:

- уй ишларини, бекаликни мукаммал бажариш;
- эрга нохуш сифатда кўринишдан сақланиш;
- эрига доимо итоатда бўлишга ҳаракат қилиш;
- эри ёмон кўрган кишиларни уйига киритмаслик;

- эр ҳузурида ширинсухан, хушмуомалада бўлиши;
- эрни бўлар-бўлмасга гумон қилиб, рашк қилмаслик;
- ўй ичи ва ҳовлини озода, тартибли тутиш;
- эрнинг жинсий эҳтиёжини қондириш;
- заруратдан келиб чиқиб шахсий гигиенага жиддий риоя қилиш;
- тоза ва чиройли кийинган, зийнатланган ҳолда юришга одатланиш;
- аёл эрининг ҳақини ўзи ва барча яқинларидан олдинга қўйиши;
- эрнинг сирларини ошкор қилмаслик, унинг ишончини йўқотмаслик;
- эр уйига кириб келганида ўрнидан туриб, очиқ юз ва табассум билан кутиб олиш;
- эрининг уст кийимини ечиб, қўлидаги нарсаси ёки юкини олиш, чанқаган бўлса, чой ёки сув бериш;
- эр хафа бўлса, ҳамдард бўлиш, хурсанд бўлса хурсанд бўлиш, қийналган кунларида камситмаслик;
- овозини эриникидан баландлатиб, беҳаёлик кўрсатмаслик, сўзидан ёки хулқидан унга азият етказмаслик;
- эри борлигида ҳам, йўқлигига ҳам уни дуо қилиш, Аллоҳдан икковларига тотувлик ва баҳт-саодат тилаш;

-
- аёл ҳусну жамоли билан эрига фахрланмаслиги, эри хунук бўлса ёмон кўрмаслиги, агар ўзи бой бўлса, бу билан ғуурланмаслиги;
 - эрга ҳамиша итоатли, яъни эътиборли бўлишга ҳаракат қилиб, талабларини тинглаб, уни ўз вақтида ижро этиши;
 - эр назари тушадиган жойларга эътибор қаратиш, унинг димоғига ёмон ҳид киришидан сақланиш;
 - эрга тайёрланадиган таомни вақтида тайёрлашга одат қилиб, уни асло кечиктирмасликка эришиш;
 - эрнинг мол ва ашёсига эътиборли бўлиб, исроф қилмаслик, асрраб-авайлаш;
 - қаноат соҳибаси бўлишга ҳаракат қилиш, умр йўлдоши уйга олиб келган ашёларни хушфеъллик, одоб-ахлоқ даражасида қабул қилиб олиш ва ташаккур билдириш.

Оилавий низоларга олиб борувчи сабаблар

Оила икки жинснинг бир-бири билан муқаддас никоҳ риштаси билан боғланиши орқали пайдо бўлади. Никоҳ ўқилиб, муҳр босилган дақиқадан бошлаб ўзаро ҳамжиҳатлик ўзига хос ва мос қўринишда шаклланиши лозим бўладики, у дунёдаги барча муносабатлардан жиддий фарқ қиласди. Айни шунинг учун, унинг жуда мураккаб, нозик кирраларини тушуниб етиш, ҳар бир оила эгаси учун ҳам фарз, ҳам қарзdir. Шундагина бу муқаддас риштани сақлаб, асраб-авайлаб умр кечириш имкониятига эга бўлинади.

Кейинги вақтларда оила муаммоларига тўхталган қайси давра, қайси суҳбатни олманг, оиласидаги салбий оқибатлар, афсусланиб айтилган сўзлар қулоққа чалинади. Ҳолбуки, муқаддас никоҳ қурилгандан сўнг унинг гавҳар каби сақланиши ҳақида диний ва миллий нуқтаи назардан кенг мулоҳазаларни ифода этувчи ҳадиси шарифлар, ҳикматли сўзлар, нақллар одоб китобларида кўплаб келтирилган. Айни шу фикримизнинг далили сифатида машойихлардан бири: “Қайси миллат тилида айрилиқ деган сўз бўлмаса, ўша

миллатни қабул қиласадим!” деган экан. Демак, айрилиқ киши учун нечоғли оғир мусибат экан. Айрилиқ дарди қанчалар оғир эканки, уни билмаслик, бедаво дард эканини тушуниб етмаслик мумкин эмас. Шунинг учун ҳар бир ёш оиланинг мустаҳкамлигига, энг аввало, ота-она масъуллигини эслатиб, уларнинг ҳар қандай салбий оқибатлардан узоқ бўлиши мақсаддага мувофиқдир. Куйидаги фикрлар ва мулоҳазаларни ўқинг, шояд, фарзандларимиз оиласи баҳтли, хонадони файз-баракали, келажаги иқболли бўлса.

Ота-онадаги салбий омиллар:

- фарзанднинг оиласига кераксиз аралашиш;
- келинни ўз қизи сифатида қабул қиласадик;
- келинга хизматчи сифатида қараш;
- ёшлар йўл қўйган айрим хатоларини кечирмаслик;
- қуда томонларнинг бир-бирига муносабатининг салбийлашуви;
- қудаликда баробарликка эътибор бермаслик;
- қуда томонидан моддий манфаат тамақилиш;

- келин ёки қуёв олдида ўз обрўсини сақлай билмаслиги;
- ўз оиласарини фарзандларга ўрнак қилиб кўрсата билмаслик;
- фарзандларга бўлган муносабат ҳукуқидан нотўғри фойдаланиш.

Эрнинг ажримга сабаб бўлиши:

- оилада эрлик масъулиятини ҳис этмаслик;
- аёлинни табиий хулқини тушуниб етмаслик;
- рўзғор юмушларида аёлинни яккалаб қўйиш;
- ўз ахлоқида енгилтаклика мойил бўлиш;
- оила муаммоларига совуқонлик билан ёндашиш;
- яшаш шароитини яратишга тўла ҳаракат килмаслик;
- бойлик, мансаб каби ўткинчи нарсалар билан ғурурланиш;
- ичкилиkbозлик ва гиёхвандлик иллатларига берилиш;
- аёлининг шаънини, обрўсини сақлашдан кўр-кўронга юз ўгириш;
- жамият жиноят деб санаган иллатлардан сақланана олмаслик.

Аёлнинг ажримга сабаб бўлиши:

- ноўрин мақтаниш;
- эр талабини менсимаслик;
- гап ташишлиқ;
- эрининг шаъни-обрўсини сақлай билмаслик;
- эр мулки ва аёллик ифратига хиёнат қилиш;
- эр ва унинг яқинларига муносиб муно-сабатда бўла олмаслик;
- лоқайдлик, бепарволик сабабидан уй юмушларига улгура олмаслик;
- қаноатсизлик, сабрсизлик, енгилтаклик каби салбий ахлоқларга берилиш;
- фарзанд кўрган вақтида гўдакни ювибтараш, соғлигини сақлаш, инжиқликларига сабр-бардош бера олмаслик билан болалар можаросига гирифтор бўлиш.

Фойдаланилган адабиётлар

1. Жалолиддин Маҳаллий ва Жалолиддин Суютий. “Тафсири Жалолайн”.
2. Муфтий Усмонхон Алимов. “Тафсири Ирфон”.
3. Шайх Абдулазиз Мансур. “Куръони карим маъноларининг таржима ва тафсири”.
4. Имом Бухорий. “Ал-жомеъ ас-саҳих”.
5. Имом Муслим. “Саҳиҳ Муслим”.
6. Имом Термизий. “Сунани Термизий”.
7. Имом Насоий. “Сунани Кубро ва Суфро”.
8. Имом Абу Довуд. “Сунани Абу Довуд”.
9. Имом Ибн Можа. “Сунани Ибн Можа”.
10. Имом Доримиий. “Сунани Доримиий”.
11. Муҳаммад ибн Абдуллоҳ Табризий. “Мишкотул масобиҳ”.
12. Шамсиддин Муҳаммад Ҳурросоний Кўҳистоний. “Жомеур-румуз”.
15. Аллома Муттақий Ҳиндий. “Канзул уммол”.

Мундарижа

<i>Сўзбоши ўрнида</i>	3
<i>Никоҳнинг муқаддаслиги</i>	6
<i>Никоҳни поймол қилишидан сақланинг</i>	7
<i>Никоҳ пайғамбарларнинг суннатидир</i>	7
<i>Насл давомийлиги воситаси</i>	8
<i>Никоҳ Аллоҳ таоло наздида ибодатдир</i>	8
<i>Дунё лаззатларининг яхиси</i>	8
<i>Ризқни зиёда қилувчи омил</i>	9
<i>Киши динининг ярми</i>	9
<i>Яхшилик қилувчи инсон деган ном</i>	10
<i>Хазина келтирувчи манба</i>	10
<i>Аллоҳдан қўрқишининг фойдаларидан бири</i>	11
<i>Шаҳвоний тажсовуздан ҳимоячи</i>	11
<i>Муборакбод сабабчиси</i>	12
<i>Оила – муборак кошона</i>	13
<i>Яхши тилак – баҳт-саодат гарови</i>	17
<i>Никоҳланувчиларнинг илтижсо дуолари</i>	21
<i>Эр бажарииши лозим бўлган</i>	
<i>шахсий вазифалар</i>	23
<i>Аёл бажарииши лозим бўлган</i>	
<i>шахсий вазифалар</i>	26
<i>Оилавий низоларга олиб борувчи сабаблар</i>	29

<i>Ота-онадаги салбий омиллар</i>	30
<i>Эрнинг ажримга сабаб бўлиши</i>	31
<i>Аёлнинг ажримга сабаб бўлиши</i>	32
<i>Фойдаланилган адабиётлар</i>	33

Қайдалар учун

Қайдлар учун

Қайдлар учун

Диний-маңрифий нашр

Абдулжай ТУРСУН
НИКОҲИНГИЗ МУБОРАК
БЎЛСИН

Муҳаррир Жамшид ШОДИЕВ

Бадиий муҳаррир Элнур НИЁЗ ўғли

Саҳифаловчи Наргиза МИРЗАЛИЕВА

Мусахҳиха Нодира ОХУНЖОНОВА

Нашриёт лицензия рақами: AI 146. 2009.14.08.

Босишга 2017 йил 22 сентябрда рухсат этилди.

Офсет қоғози. Қоғоз бичими $70 \times 100 \frac{1}{32}$.

Ҳарф гарнитураси PT Serif. Офсет босма усули.

Хисоб-нашриёт т.: 1,6. Шартли б. т.: 1,2.

Адади: 5000 нусха.

—сон буюртма. Баҳоси келишилган нархда.

“Movarounnahr” нашриётида тайёрланди.

Нашриёт манзили: 100002, Тошкент шаҳар

Зарқайнар 18-берккӯча 47а-үй.

Электрон почта: *m-nashr@mail.ru*.

Тел: (0-371) 227-34-30

«Ўзбекистон» нашриёт-матбаа ижодий уйида чоп этилди.

700129, Тошкент, Навоий кўчаси, 30.